

**Drejtuar:** **Z. Petrit AHMETI**  
Kryetar  
Enti Rregullator i Energjisë

**Lënda:** **Kërkesë për miratimin e kontratës së Transmetimit të Gazit Natyror midis  
“Albpetrol Sh.a” dhe “Albgaz Sh.a” për vitin 2018**

I nderuar Z. Ahmeti,

Bazuar në aktivitetin që kryen Shoqëria Albgaz Sh. a sipas vendimin të Këshillit të Ministrave Nr. 848, datë 07.12.2016 i ndryshuar, si dhe kontratës së lidhur në bazë të Kodit Civil të Republikës së Shqipërisë, të ligjit Nr.9901, datë 01.04.2008 “Për Tregtarët dhe Shoqëritë Tregtare” të ndryshuar , ligjit Nr.7582, datë 13.07.1992 “ Për ndërmarrjet Shtetërore”, ligjit Nr.8450 datë 24.02.1999 “Për përpunimin,transportin dhe tregtimin e naftës, gazit dhe nënproduktet e tyre” të ndryshuar , ligjit Nr.102/2015 “Për sektorin e Gazit Natyror”, Ligjit Nr.48/2014 “Për pagesat e vonuara në detyrimet kontraktore e tregtare”, Vendimin e ERE Nr.97, datë 23.04.2018 “*Mbi miratimin e tarifës së Transmetimit të gazit natyror nga Shoqëria Albgaz sh.a për vitin 2018*”, si dhe Vendimit Nr.179, datë 20.08.2018 “*Për një shtesë në Vendimin Nr.97, datë 23.04.2018 Mbi miratimin e tarifës së Transmetimit të gazit natyror nga Shoqëria Albgaz sh.a për vitin 2018*”

Në vijimësi të komunikimeve tona mbi Kontratën e Shërbimit të Transmetimit të Gazit Natyror midis Shoqërive “Albgaz” Sh. a dhe “Albpetrol” Sh. a, ju lutem miratimin Tuaj të kontratës së Transmetimit të gazit natyror.

Bashkëlidhur kontrata tip midis Shoqërive “Albgaz” Sh. a dhe “Albpetrol” Sh. a

Duke Ju falenderuar për bashkëpunimin .

Me respekt,

**Arber AVRAMI**  
Administrator

**OPERATORI I KOMBINUAR I GAZIT NATYROR**

**ALBGAS SH**



Nr. Prot 116 Datë 06/10 /2018

Nr. Prot 9456 Datë 02/10 /2018

**KONTRATË PËR SHËRBIMIN E TRANSMETIMIT TE GAZIT NATYROR  
NDËRMJET SHOQËRIVE ALBPETROL SH.A. DHE ALBGAS SH.A**

E lidhur sot ne Tirane me date 02/10/2018, ndermjet:

1. **Shoqërisë ALBPETROL SH.A**, rregjistruar si person juridik me vendimin Nr.12728, date 06.11.1995 te Gjykates se Rrethit Gjyqesor Tirane, me seli ne adresen "Rruga Nacionale Fier - Patos", km 7, Shqiperi, me nr. NIPT **J82916500U**, e perfaqesuar nga **Z. Kastriot Bejtaj**, në cilësinë e **Administratorit** të shoqërisë **Albpetrol sh.a**, këtu e me poshte do te quhet "Prodhuesi", dhe
2. **Shoqërisë ALBGAS SH.A**, rregjistruar si person juridik pranë QKB me NIPT **L71306034U**, me seli ne adresen, Njësia Administrative Nr 5, rruga e "Kosovarëve", pallati "Nder Pro" Sh.p.k, Tirane, Shqiperi, perfaqesuar nga **Z. Arbër Avrami**, në cilësinë e **Administratorit** të shoqërisë **Albgaz sh.a**, këtu e më poshtë do të quhet "Operatori", bashkarisht referuar si "Palët"

Meqënëse:

- (A) Shoqëria Albpetrol Sh.a, në cilësinë e prodhuesit, është një shoqëri tregtare që zotëron të drejta kërkimi, prodhimi dhe tregtimi të hidrokarbureve (përfshirë dhe gazin natyror) në Shqipëri.
- (B) Shoqëria Albgaz Sh.a, në cilësinë e Transmetuesit funksionon si operator i kombinuar i gazit natyror dhe është certifikuar me vendim nr. 179, date 08.11.2017 dhe licensuar si i tillë me vendim nr. 188, date 10.11.2017 nga Enti Rregullator i Energjisë (ERE)

Atëherë, palët bien dakord të lidhin këtë Kontratë me termat dhe kushtet e mëposhtme:

## Neni 1 Baza ligjore

Kjo kontrate lidhet ne baze te Kodit Civil te Republikes se Shqiperise, te ligjit nr. 9901, date 01.04.2008 "Per Tregtaret dhe Shoqerite Tregtare" te ndryshuar, ligjit Nr.7582, date 03.07.1992 "Per Ndermarjet Shteterore", ligjit nr. 8450 dt 24.02.1999 "Per perpunimin, transportin dhe tregtimin e naftes dhe gazit dhe nenproduktet e tyre" te ndryshuar, ligjit nr. 102/2015, "Per Sektorin e Gazit Natyror", Vendimin nr.97 date 23.04.2018 te ERE "Mbi miratimin e tarifës së transmetimit të Gazit Natyror nga Shoqëria Albgaz Sh.a., për vitin 2018", si dhe akteve nenligjore te dala ne zbatim te tyre.

Me Vendimin Nr 848, date 07.12.2016 i ndryshuar për "Krijimin e Shoqërisë Albgaz Sh a dhe caktimin e Autoritetit Publik që përfaqeson Shtetin si Pronar të Aksioneve të Shoqërisë Albpetrol Sh.a, dhe Albgaz Sh.a", Këshilli i Ministrave ka miratuar krijimin e autoritetit publik që është përgjegjës për trasmetimin, shpërndarjen dhe depozitimin e gazit natyror në Republikën e Shqiperise.

## Neni 2 Perkufizime dhe interpretime

### 2.1 Perkufizime:

Ne kete Kontrate, duke perfshire edhe Anekset, me perjashtim te rastit kur konteksti e kerkon ndryshe termat e perdorur ne kete Kontrate dhe anekset e saj do te kene te njejtin kuptim me perkufizimet e Ligjit nr. 102/2015, "Per Sektorin e Gazit Natyror" si dhe akteve nenligjore te dala ne zbatim te tij

### 2.2 Interpretime:

- 2.2.1 Fjalet qe tregojne njejesin do te perfshijne shumetin dhe anasjelltas;
- 2.2.2 Te gjitha afatet e cituara ne kete kontrate jane kalendarike;
- 2.2.3 Titujt e neneve nuk do te ndikojne ne interpretimin e permbajtjes se tyre;
- 2.2.4 Referenca ne "ligj" do te perfshije gjithe amendamentet, modifikimet ose ligjet zevendesuese, te bera para apo pas dates se kesaj Kontrate dhe gjithe aktet nenligjore te dala ne zbatim dhe jane ne perputhje me nje ligj te tille;
- 2.2.5 Referencat per nje Pale eshte nje reference per nje Pale te kesaj Kontrate;
- 2.2.6 Referencat per Nenet dhe Anekset jane referencia ne Nenet dhe Anekset e kesaj Kontrate; pervec kur ne menyre specifike shprehet ndryshe;

- 2.2.7 Cdo kusht ose formulim i kontrates, qe mund te sjelle paqartesi do te interpretohet ne kontekstin e teresise se Kontrates dhe ne kendveshtrimin e qellimit per te cilin eshte lidhur kjo kontrate nga palet,
- 2.2.8 Per te gjitha ceshtjet qe nuk percaktohen shprehimisht ne kete kontrate, aplikohen parashikimet e Ligjit nr. 102/2015, "Per Sektorin e Gazit Natyror" si dhe akteve nenligjore te dala ne zbatim te tij dhe si dhe ato te parashikuara ne Kodin e Rrjetit te Transmetimit te miratuar nga ERE

### Neni 3 Qëllimi i kontratës

- 3.3.1 Objekti i kësaj kontrate është transmetimi i gazit natyror nga Shoqëria Albgaz Sh.a. përkundrejt një tarife transmetimi, për llogari të Shoqërisë Albpetro Sh.a. Shoqëria Albpetro Sh.a kryen aktivitetin e prodhimit dhe shitjes së gazit natyror, ndërsa Shoqëria Albgaz Sh.a. realizon transmetimin e gazit natyror me anë të linjave të saj. Kjo Kontratë rregullon cmimin, kushtet dhe afatet për realizimin e këtij bashkëpunimi midis prodhuesit dhe operatorit.
- 3.3.2 Kjo Kontratë rregullon të gjithë marrëdhënien e shërbimit të transmetimit të gazit natyror ndërmjet Palëve duke përfshirë, por pa u kufizuar, edhe programimin, nominimin, lëvrimin dhe pranimin e gazit natyror për periudhën kohore 01.01.2018 - 31.12.2018.

### Neni 4 Afati i kontratës

- 4.4.1 Kjo kontrate lidhet per nje afat (nje) vjeçar, duke filluar nga data 01.01.2018, qe eshte dhe data e hyrjes ne fuqi te kesaj kontrate (data efektive) Kjo kontrate mund te zgjidhet perpara afatit me nje njoftim paraprak me shkrim nga secila pale 2 (dy) muaj perpara dates se zgjidhjes, si dhe ne cdo rast tjeter qe parashikohet ne kete Kontrate.

### Neni 5 Tarifa e Shërbimit

- 5.1 Palet bien dakort se cmimi i ofrimit te sherbimit te transmetimit te gazit natyror eshte vendosur ne baze te Vendimit te ERE-s nr.97 date 23.04.2018 dhe konkretisht do te jete si me poshte

- i) Per transmetimin e gazit natyror tarifa do te jete 28 lek/m<sup>3</sup> pa TVSH.
- ii) Tarifa e mesiperme do te jete e pandryshueshme me perjashtim kur ndryshimi i saj behet me vendim te ERE-s.

**Neni 6**  
**Faturimi dhe mënyra e pagesës**

- 6.1 Transmetuesi do të dergojë faturen tatimore të shërbimit të adresës së Prodhuesit Brenda 5 (pese) diteve nga data e leximit perfundimtar mujor. Fatura tatimore duhet të përmbajë: tarifen mujore të muajit për të cilën leshohet; mënyrën e përlogaritjes së tarifës duke përcaktuar sasinë e gazit të transmetuar dhe tarifen e aplikuar si dhe çdo element tjetër në përputhje me ligjin nr.92/2014 "Për tatimin mbi vlerën e shtuar në Republikën e Shqipërisë" dhe aktet nënligjore të dala në zbatim të tij. Bashkëngjitur fatures mujore duhet të jenë procesverbalet e mbajtura nga palet për leximin e sistemeve përkatëse të matjes mbi bazën e të cilave është përlogaritur sasia e gazit natyror.
- 6.2 Diferenca e krijuar sipas pikës 10.5 të nenit 10 do të zbritet nga fatura e shërbimit të transmetimit që përpihet nga transmetuesi.
- 6.3 Prodhuesi do të kryejë pagesën në llogarinë bankare të Operatorit Albgaz Sh.a, sipas vlerës përkatëse të fatures në përputhje me dispozitat e legjislacionit në fuqi.
- 6.4 Për çdo ditë vonese Prodhuesi duhet t'i paguajë Operatorit kamatvonese në përputhje me dispozitat e Ligjit nr 48/2014 "Për pagesat e vonuara në detyrimet kontraktore e tregtare".

Llogaria bankare e operatorit është: AL65212210390000000000884510.

Llogaria bankare e prodhuesit është: \_\_\_\_\_

**Neni 7**  
**Pikat e Lëvritimit të Gazit Natyror nga Operatori**

- 7.1 Sasia e gazit shoqëruar ose natyror do të levrohet nga Prodhuesi (Q.P.N Ballsh) tek Operatori në pikat e levrimit në vendburimet prodhuese referuar infrastruktures aktuale të transmetimit të gazit, si më poshtë:

1. Çakran, Poligoni i matjes së gazit në Stacionin e Kompresoreve Drenovë

- 7.2 Sasia e gazit, pas transmetimit, do të levrohet nga Operatori tek Prodhuesi (Q.A.SH.N.G Patos) në pikat e levrimit si më poshtë:

1. Poligoni i matjes pranë furrave për Dekantimin Kash.

2. Poligoni i matjes prane furrave per Dekantimin Visoke
3. Stacioni i gazit Ballsh per Dekantimin Konsumatoret Privat- Ballsh.
4. Stacionin i gazit Fier, per Konsumatoret Privat-Fier

#### Neni 8

##### Sasia, Presioni i Lëvrimit dhe Cilësia

- 8.1 Sasia e gazit natyror e cila levrohet nga Prodhuesi tek Operatori eshte sasia e matur nga pajisjet matese te instaluar ne piken me te afert teknike te levrimit te gazit natyror (gryke te pusit).
- 8.2 Sasite e gazit natyror do te levrohen nga Prodhuesi tek Operatori ne piken e levrimit, sipas standarteve teknike si me poshte:
  1. Per Cakran, presioni  $P_{min} = 4$  (kater) bar;  $P_{max} = 15$  (pesembdhjete)

#### Neni 9

##### Matja

- 9.1 Sistemi i matjes ne pikat e levrimit (gryke pusi) do te instalohet nga Prodhuesi ndersa sistemi i matjes ne pikat e levrimit sipas nenit 7.2 do te instalohet nga Operatori, dhe do te bashkevulosen nga te dyja palet gjate fazes se instalimit.
- 9.2 Sistemi i matjes i cili do te instalohet ne pikat e levrimit duhet te jete sipas standarteve teknike te aprovuara dhe te kalibruara nga Drejtoria e Pergjithshme e Metrologjise.
- 9.3 Nese Operatori ose Prodhuesi deshirojne te inspektojne, testojne ose kalibrojne pajisjet matese, ata duhet t'ja kerkojne kete pales tjeter nepermjet nje njoftimi me shkrim, per te kryer nje inspektim te perbashket, testim apo kalibrim te pajisjeve matese te instaluar ne pikat e levrimit.
- 9.4 Nese raportet e testimi ose kalibrimit tregojne gabime ne matje per pajisjet matese, atehere leximi aktual i matjeve i regjistruar gjate periudhes se testimi apo kalibrimit do te korrigjohet, duke e ulur ose rritur, sipas rastit, ne masen e shkalles se gabimit ne matje te treguar ne raportin e testimi apo kalibrimit te dakortesuara nga te dy palet.
- 9.5 Operatori eshte i detyruar t'i mundesojne pa pagese ne cdo kohe Prodhuesit leximin e aparateve matese te gazit. Instalimi, mirembajtja dhe verifikimi i saktetise se matesit behen nga Operatori me shpenzimet e tij. Matesit e gazit duhet te jene ne perputhje me legjislacionin per instrumentet matese.
- 9.6 Te gjitha pajisjet matese te perdorura per te nxjerre te dhena per sasine e gazit per perlloraritjet e fatures ne perputhje me kete kontrate do te vulosen nga te dyja palet dhe vulat nuk do te thyhen me perjashtim kur palet bashkarisht bien dakort per kete proces si pasoje e nje nevoje per te testuar pajisjet matese ose kur palet kane dyshime mbi saktetesine e matjes.

### Neni 10 Leximi dhe Faturimi

- 10.1 Secila nga Palet ka te drejte ne cdo kohe te kryejë leximin e sistemit te matjes ne pikat e levrimit duke njoftuar me shkrim Palen tjetër te pakten 3 dite perpara, per ditën, orën dhe perfaqesuesit e saj ne menyre qe te behet leximi ne pranine e perfaqesuesve te seciles Pale.
- 10.2 Te dhenat e sistemit te matjes do te pasqyrohen ne nje procesverbal te nenshkruar nga perfaqesuesit e te dyja paleve.
- 10.3 Nese njera nga Palet mungon gjate leximit te perbashket, pala tjetër mund te regjistroje leximin e matesit dhe t'i njoftoje pales ne mungese, brenda ores 12.00 te dites pasardhese, leximin e regjistruar.
- 10.4 Leximi qe do te konsiderohet per efekt te faturimit do te jete leximi i realizuar ne ditën e fundit te muajit.
- 10.5 Nese do te konstatohet diference midis sasise se levruar sipas pikes 7.1 te nenit 7 dhe transmetuar sipas pikes 7.2 te nenit 7, kjo diference do te merret persiper nga Operatori.

### Neni 11 Periudha tranzitore

Palet bien dakort qe deri ne instalimin e sistemit te matjes ekziston nje periudhe tranzitore e cila e ben te pamundur zbatimin e Nenit 9 dhe 10 te kesaj kontrate. Per pasoje gjate periudhes tranzitore do te merret e mireqene dhe e dakortesuar se:

- a) Sasia e levruar nga Prodhuesi tek Operatori do te konsiderohet sasia mujore e prodhuar nga vendburimi.
- b) Sasia qe do ti faturohet Prodhuesit nga Operatori gjate fazes tranzitore eshte sasia e matur ne pikat e levrimit te gazit nga operatori sipas nenit 7.2 here cmimin e transmetimit.

### Neni 12 Planifikim dhe Ndërprerja e Lëvrimit

- 12.1 Prodhuesi duhet t'i dorezoje Operatorit, sipas parashikimeve te tij, nje plan levrimi duke specifikuar sasite e gazit natyror qe planifikon te levroje per muajin kalendarik pasardhes, sipas pikave te levrimit. Afati per dorezimin e parashikimit nga Prodhuesi tek Operatori nuk duhet te jete me vone se 10 (dhjete) dite nga data e perfundimit te muajit.

- 12.2 Palet bien dakort se duhet te takohen ne menyre periodike, sipas nevojave, per te percaktuar dhe rregulluar sasite e gazit natyror te planifikuar paraprakisht nga Prodhuesi.
- 12.3 Transmetimi i gazit natyror ne perputhje me kete kontrate, do te nderpritet nese eshte e nevojshme, dhe ne masen qe i duhet paleve per te qene ne perputhje me rregullat teknike te mirembajtjes gjithmone nepermjet nje njoftimi paraprak dhe pales tjeter.

### **Neni 13 Afatet e Njoftimit**

- 13.1 Operatori duhet te njoftoje Prodhuesin brenda afatit te parashikuar, per ngjarjet e meposhtme:
- a) Per planin e remonteve, 15 (pesembedhjete) dite pas aprovimit te tij nga Administratori i shoqerise ose personat e autorizuar prej tij;
  - b) Per nderprerjet e planifikuara per remonte, jo me vone se 7 (shtate) dite nga data e nderhyrjes;
  - c) Per nderprerjet e paplanifikuara, menjehere sapo te vihete ne dijeni nga dispeceria;
  - d) Per ngjarjet e forces madhore, menjehere te kostatohet ngjarja.
- 13.2 Operatori per te gjitha rastet e parashikuara ne Nenin 13.1 duhet te njoftoje Prodhuesin per parashikimin e perafert te kohes se nderprerjes dhe kohes se riparimit.
- 13.3 Te gjitha njoftimet sipas ketij neni si dhe cdo njoftim ose komunikim tjeter i kerkuar ose i lejuar nga kjo Kontrate eshte i vlefshem nese behet me shkrim dhe mund te dorezohet ose te dergohet me poste ne adresen e meposhtme ose ne nje tjeter adrese qe mund t'i njoftohet nga cdo pale pales tjeter ne pajtim me kete Nen. Njoftimi do te kete efekt pas marrjes se tij nga pala tjeter.

Adresat perkatese te paleve per mbajtjen e korrespondences jane te percaktuara me poshte.

#### **Per Prodhuesin :**

Rruga Nacionale Patos-Fier, km 7 ose Sky Tower, Kati 7, nr 21, Tirane  
Ne vemendje te **Z.Kastriot Bejtaj**

#### **Per Operatorin:**

Bulevardi "Zhan d' Ark", nr 3, Pas Ministrise per Europen dhe Punet e Jashtme, Tirane  
Ne vemendje te **Z.Arber Avrami**



**Neni 14**  
**Përgjegjësia për dëmet**

- 14.1 Secila nga Palet duhet të sillet me mirebesim dhe të tregojë kujdes në kryerjen e detyrimeve të tij sipas kësaj Kontrate. Secila Pale është përgjegjëse për çdo humbje apo dëm të shkaktuar Pales tjetër të cila janë rezultat i drejtperdrejtë i veprimeve ose mosveprimeve të kësaj pale dhe duhet ta dëmshperblejë këtë të fundit. Në rast se Palet nuk bien dakord për masën e dëmshperblimit, do të drejtohen gjykatës kompetente në përputhje me legjislacionin shqiptar në fuqi në kohën e lindjes së këtij konflikti.
- 14.2 Operatori është përgjegjës për çdo çlirim të gazit gjatë procesit të transmetimit të tij.

**Neni 15**  
**Forcat madhore**

- 15.1 Asnjëra nga palet nuk do të jetë përgjegjëse kundrejt pales tjetër për moszbatimin e detyrimeve të saj sipas Kontrates si rezultat i Forces Madhore.
- 15.2 Perkufizimi "Force madhore" do të thotë një ngjarje e cila nuk ka ardhur si rezultat i veprimeve apo mosveprimeve ose nga neglizhenca e njerës Pale, është një ngjarje e paparashikueshme jashtë kontrollit të një Pale e cila vepron në përputhje me standartet e një Prodhuesi ose Operatori të kujdesshem dhe të arsyeshëm, dhe që e bën perkoheishtë ose përgjithmone të pamundur për këtë pale të përmbush ndonjë nga detyrimet e kësaj Kontrate. Ngjarje të tilla mund të përfshijnë, por nuk janë të limituara si lufta ose revolucionet, zjarri, përmytja, tërmeti, epidernite, shtrengime të karantines dhe embargo tranziti. Për efekt të kësaj Kontrate rast i Forces Madhore do të jetë edhe ndalimi i prodhimit në vendburimet e Prodhuesit.
- 15.3 Pala e cila pretendon se ndodhet përpara një ngjarje të Forces Madhore duhet të:
- 15.3.1 Të njoftojë menjëherë Palen tjetër për ngjarjen e ndodhur, dhe duhet të vendos në dispozicion të gjithë informacionin mbi shkaqet e saj. Ky njoftim duhet të bëhet jo më vonë se 10 dite nga dita që ka ndodhur kjo ngjarje; dhe
- 15.3.2 Të marrë të gjitha masat e arsyeshme për të rregulluar situatën si dhe të ndermarri masat e duhura për të minimizuar efektet e kësaj ngjarjeje. Për çdo rast Pala që pretendon se është ndikuar nga një rast i Forces Madhore duhet ta informojë në mënyrë të arsyeshme Palen tjetër lidhur me të gjitha hapat e ndermarra.
- 15.4 Në rast se ekzekutimi i kontrates bëhet i pamundur për shkak të një ngjarje të Forces

Madhore, dhe palet bien dakord se ndodhen perpara nje ngjarje te tille, detyrimet e paleve mund te pezullohen per sa kohe zgjat kjo ngjarje por Kontrata do te vazhdoje te jete ne fuqi.

- 15.5 Pavaresisht sa me siper, nese nje ngjarje ose rrethane e Forces Madhore ndodh dhe zgjat per nje periudhe pertej tridhjete (30) diteve, Palet do te takohen te diskutojne pasojat dhe planin e veprimeve qe duhen ndermarre per te zbutur efektet ose per t'u pershtatur me rrethanat.
- 15.6 Ne rast se ngjarja e Forces Madhore vazhdon per nje periudhe prej me shume se gjashte (6) muajsh, secila nga Palet ka te drejte qe me dhenien e nje njoftimi paraprak me shkrim prej tridhjete (30) ditesh te Pala tjetere te perfundoje kete Kontrate pa asnje detyrim, por gjithsesi ky perfundim nuk e shkarkon palet nga ndonje angazhim apo detyrim i papermbushur apo i pezulluar, qe duhej realizuar perpara ngjarjes se Forces Madhore.

#### Neni 16

#### Zgjidhja e mosmarrëveshjeve

Cdo mosmarrëveshje ose ankim qe lind nga rregullimi, interpretimi dhe/ose zbatimi i kesaj Kontrate dhe/ose qe ka lidhje me te, do te zgjidhet me mirekuptim midis paleve ose me ndermjetesimin e ERE. Ne rast se palet nuk arrijne ne nje marrëveshje te perbashket edhe pas ndermjetesimit te ERE, atehere u lind e drejta t'i drejtohen per shqyrtim gjykates kompetente shqiptare

#### Neni 17

#### Të ndryshme

- 17.1 Te gjitha kushtet dhe afatet e kesaj Kontrate konsiderohen thelbesore dhe mund te shtohen dhe/ose ndryshohen vetem nese vullneti i te dy paleve eshte shprehur paraprakisht me shkrim
- 17.2 Kjo Kontrate perben marrëveshjen e vetme dhe te plote midis paleve, ne lidhje me ofrimin e sherbimit te percaktuar ne objektin e saj dhe zevendeson cdo marrëveshje verbale ose te shkruar te meparshme ndermjet paleve
- 17.3 Ne rast se ndonje nen i kesaj Kontrate eshte ose behet pjeserisht ose plotesisht i pavlefshem, antiligjor ose i pazbatueshem, palet bien dakord qe ta heqin kete nen dhe kur eshte mundesia ta zevendesojne ate me nje nen tjetere te vlefshem dhe Kontrata do te vazhdoj te kete efekte ligjore
- 17.4 Zgjidhja e kesaj Kontrate nuk do t'i lehtesoj Palet nga detyrimet qe kane perkundrejt

